

皇朝實錄



冊四下

大清世祖體天隆運英睿欽文大德弘功至仁純孝章皇帝
實錄卷之四十三

順治六年三月庚申朔

攝政王多尔袞師次桑乾河遣官至渾源州諭之曰予
因姜瓖叛逆軍麾直指大同及茲聞城尚尔未下移師
至此念姜逆煽亂渾源百姓無辜受害今能引罪迎降
不惟不念尔等小民合汚之惡且更加軫恤令各歸村
墾來時耕種倘怙惡不悛予師已壓境其能為尔等宥
乎謂予不信可令人前來瞻視如誠心思順予將特布

撫輯至意

攝政王遣官傳諭應州官紳士民兵丁等曰姜瓖作亂
畏罪莫逃故虛張聲勢流言誑惑致令尔等輕信從逆
夫人豈有不願安享太平而自干誅戮者乎予念天下
之人皆吾赤子故親統大師拯厥危難一切罪愆概行
肆赦諭到之時果即投順自當撫循如故今時當耕作
速降方不愆期倘令邑廢業欲久據孤城可乎慎勿自
悞生業淪胥禍敗其舊知州守備等官及姜逆所置偽
官亦勿頗慮前非猶懷疑畏予言一出安有反汗否則
天下之人離復信予乎
降補陝西按察使鄭清為福建布政使司叅政驛傳道

以原任直隸大名道僉事于變龍為山東按察司僉事
分巡霸州道原任山東、衮道僉事陳一理為江南按
察司僉事分巡揚州道

癸亥

奉恩將軍喇都海卒謚懷僖

攝政王率師拔渾源州城

甲子

改蘭州營叅將為副將

乙丑

攝政王師次寇家砦定西大將軍多羅敬謹郡王尼堪

啟報固山額真庫祿克達爾漢阿賴等屢次戰勝斬偽
巡撫姜輝兵馬無算偽叅將羅暎壇獻印劄率所部四
百餘人來降

喀喇沁部落蘇伯杜陵所部兵有擅掠已降民間女子
頭畜者居民控訴攝政王令重治兵罪悉還其人畜

淮揚巡按張濬疏報土賊攻陷海州知州張懋勳州同
李士麟所官胡崇禮百總李庚廕元之請賜卹典事下

所司

丙寅

陝西巡按盧傳奏報漢羌總兵張天福剽平逆賊覃一

流擒山偽陰王等斬馘殆盡下所司察叙

真順巡按蘇京疏報賊破鉅鹿署縣事廣平府照磨周
維翰等戰死之事下所司

江西巡按王志佐劾興安縣知縣靈進鉛山縣知縣康
永綱失城光澤縣知縣林宸謨從逆命褫職逮訊

丁卯

陝西巡撫黃爾性疏報逆賊王永強攻陷延安榆林等
十九州縣延安巡撫 正志靖遠道夏時芳死之宜君
縣知縣賈士璋合門自縊總兵官沈朝華中部縣知縣
許襄倉皇逃遁鄜州道王希舜延安府知府宋從心鄜

州知州李芳徵被執羈禁榆林道孫士寧洛州縣知縣
左射斗從逆受職下部察議

戊辰

宣府總兵胡章自以一介書生不能披堅執銳籲請改
授文職疏入允解任 用其員缺以大同總兵官剛阿
泰調補之

己巳

應州從賊叅將張祖壽山陰縣從賊知縣顏永錫各率
軍民人等各率軍民人等出城詣攝政王軍前投降是
日吏部啟心郎甯古里以輔政德豫親王鐸出痘往啟

攝政王、即日旋師

伊喇古克三庫圖克圖下戴青溫布達爾漢囊蘇等暨
尼魯得部落願寔汗下子下達賴烏巴什溫布塔布囊
等來朝貢宴賚如例

辛未

攝政王旋師至大同遣人 城諭之曰渾源負固不服
予已克平應州山陰悉已効順予今來此尔姜瓖速開
門迎降予當尔宥倘令招尔不降迨勢迫之後雖欲求
順亦不汝從豈有既圍而復縱者乎與其自取死亡不
如速來歸順諭畢守陴者以其言告之瓖、遣人來言

曰王果至可將詔書來王因頒諭付來人諭曰尔等叛
為逆謀諒必有所因迫因而肆亂決無自取禍敗之理
大同合城百姓悉吾赤子倘必不貸則株連非少向
使他人此尔願畏弗從予茲躬臨可歡然來順如
未歸順庶合城獲甦予方欲天下之人戴吾恩德尔姜
瓌諸罪悉予赦免諭到可急出降自恩養如故勿更懷
疑慮以貽害合鎮官民也予來尔不歸順則再無生路
矣予言一出脫有反汗天下之人誰復信之瓌待諭旋
具啟報征西大將軍臣姜瓌謹啟臣自甲申年五月
間聞攝政王駕入燕京不遠千里率領邊塞兵民歸附

清朝其首降功績已久在睿鑒中五年以來殫心畢力
統衆彈壓未有毫髮罪過臣可謂克盡厥職矣但上不
推誠以待不惟臣一人未蒙陞賞而効忠歸順之民亦
貼危已極且選出各官又肆行凌虐民益難堪頃者英
王師至催辦糧草紳士軍民若不可當動輒欲行殺戮
臣與大同一方百姓委屬無辜誰肯坐而受死似此苦
楚雖神明如我攝政王高居九重何由得知使各官誠
能體上意奉上法潔己安民則所至三晉三秦必

亂萌頓消矣具如大同兵民忿怨不勝脅臣起事

臣母年將八旬臣子尚在襁褓何忍輕身家而蹈

此致冒罪于我攝政王乎臣與諸將士兵民無窮苦衷
正欲仰懇於上前幸駕俯臨父母孔迓安敢背逆但衆
心反側不肯輕放臣故欲覲天顏而不能也况合城
之人矢志誓死縱開城肆赦誰敢遽信是推降一
諭明指以全活之方若不開恩臣惟率衆以俟無他想
望矣王如果有別諭幸遣使來示于御河橋上臣將敬
受之王覽啟怒甚會和碩英親王兩福金俱出痘薨攝
政王令和碩英親王先歸英王啟云茲王躬攝大政正
在為國遑之余不乘此効力更于何時今余不復
希冀富貴但以丈夫名譽欲佐命効力俾後世傳名

史冊耳以妻死之故棄大事而歸有是理乎攝政王嘉
之贈以鞍轡名馬二匹

攝政王在軍中進封多羅承澤郡王碩塞多羅端重郡
王博洛多羅敬謹郡王尼堪俱為親王諭之曰尔等向
不在寵貴之列余以同係

太祖孫加錫王爵至于位次俸祿則不與大藩等

陝西巡撫黃尔性疏報逆賊王永强攻破同官縣定邊
花馬池軍民相維作亂

壬申

江西巡撫朱延慶疏報廣信府知府楊國楨叅將康時

昇等練兵措餉恢復玉山等縣下部察叙

寧夏巡撫李鑑疏報官兵攻克臨河等堡斬獲無算下

兵部

甲戌

川湖總督羅錦繡疏報總兵官馬蛟麟陣擒賊渠舒有朝等搜獲偽書俘斬甚多下部察叙

寧夏巡撫李鑑報叛彝禮穆素奔據賀蘭山控求通市不允仍命設計捕殛

乙亥

陝西總督孟喬芳疏報甘涼逆獮米喇印丁國棟乘調

兵征川倡謀作亂變起倉卒甘肅巡撫張文衡西寧道

副使林維造叅議張鵬翼甘肅總兵劉良臣涼州副將

毛鎭肅州副將潘雲騰遊擊黃得成金印都司王之雋

守備胡大年李廷試李承澤陳九功俱被執殉難莊浪

叅將翟大有赴敵戰歿涼州同知徐 叅將蔣國泰

從逆受職下部察議

輔政德豫親王多鐸薨王

太祖武皇帝第十五子年三十六

攝政王師次居庸關蘇克薩哈等以輔政德豫親王多鐸訃至王去纓易素帶泣是日暮馳入京城臨德豫親

王喪德豫親王二福金請殉攝政王再三慰解請益力
遂許之

陝西巡撫黃尔性報總兵任珍追剿賀賊斬首甚多陣
獲人畜器械無算下部察叙

戊寅

浙閩總督陳錦奏福建福清等二十縣士民同心効死
守城忠義可嘉請免本年丁徭以示鼓勵下部議

南贛巡撫劉武元請叙分巡嶺北道張鳳儀等守城功

下部議

己卯

陞巡捕南營都司管叅將事佟養功為密雲副將

辛巳

江南江西河南總督馬國柱報楚賊突犯霍山把總韓
明秀守備徐志高赴敵死之下兵部

甲申

諭兵部曰曩因民間有火砲甲冑弓箭刀鎗馬匹慮為
賊資戕害小民故行禁止近聞民無兵器不能禦侮賊
反得利良民受其荼毒今思砲與甲冑兩原非民間
宜有仍照舊嚴禁其三眼鎗鳥鎗弓箭鎗刀馬匹等項
悉聽民間存留不得禁止其先已交官者給還原主

又諭兵部曰向來申嚴隱匿逃人之法原以滿州官兵身經百戰或有因父戰歿而以所俘賞其子者或有因兄戰歿而以所俘賞其弟者或有親身捨死戰獲者性命博換之俘奴俱已逃盡滿州官兵紛々控奏其言亦是有理故先令有隱匿逃人者斬其鄰佑及十家長百家長不行舉首地方不能覺察者俱連坐今再四思維逃人雖係滿洲官兵功苦所獲而前令未免過重自今以後若隱匿逃人被人告發或本主認得隱匿逃人者免死流徙其左右兩隣各責三十板十家長二十板地方官俟計察時併議若善為覺察者亦俟計察時議叙

逃人自歸其主或隱匿者自行送出一概免罪有親戚願贖回者各聽其便

征南大將軍固山額真譚泰何洛會等報大兵進至南安偵知逆賊李成棟竊據信豐偽哀國公竊據南康遣兵光破偽哀國公殲除殆盡繼抵信豐前後合圍逃出其之人報云賊謀夜遁梅勒章京覺善等遂豎梯攻克其城賊潰散渡河置梅勒章京宜爾格德等督兵追剿李成棟溺水死遂令蘇章京伊爾德等抵定撫州建昌兩府復破偽總兵楊奇盛兵二千有奇擒斬渠魁撲滅餘孽江西悉平捷至下所司議叙

丙戌

端重親王博洛等報祖馬路得勝路賊兵五千餘由大同北山出立二營來逼我軍燾章京鰲拜巴圖魯昂邦章京阿喇納等破一營梅勒章京燾章京爾布破一營姜瓖聞兩路賊兵至遂率賊千餘騎出城應援臣親督鰲拜巴圖魯等奮勇進剿斬首殆盡

平西王吳三桂等報大兵抵秦克復宜君同官二縣擊敗逆賊王永強等斬首七千餘級獲駝馬甲百五十餘匹下部察議

輔國公博尼卒

丁亥

陝西巡撫黃尔性奏報遊擊威嘉寶陣擒賊首薛命新等十八人斬賊三百餘級章下兵部

夏四月己丑朔

享

太廟遣因山貝子拜尹圖行禮

庚寅

遣羅卦喇駐防太原

辛卯

郊刻霧如細雨色青白

癸巳

定西大將軍和碩英親王阿濟格奏報恢復左衛賊寇
悉平

乙未

命固山貝子吳達海鎮國公吞齊喀輔國公巴布泰等率
師往大同更

和碩英親王阿濟格等兵馬剿逆

賊姜瓖

丙申

陝西巡撫黃尔性疏報平西王吳三桂等克蒲縣誅逆
寇王永強所設偽官餘党悉平

戊戌

戶部言故明漕運官員皆係世職今世職已裁各衛雖
設有衛守備千把然遷轉不常無相統之義且多屬委
用故不自愛致掛欠數多茲應就漕運各衛中擇有才
幹者加以千總之職責其押運量功陞轉如有掛欠治
罪追賠廢責成專而懲明從之

己亥

阿思哈、番綽尔濟蝦坐馳馬斃人削一拜他喇布勒
哈番并革蝦職

諭平西王吳三桂等固山額真墨勒根蝦曰王等忠勇

智畧與諸將士同心擊賊擒偽官而大護全勝深可嘉
悅其益勵壯猷務獲渠魁以定疆圉王與固山額真今
後但發縱指示不必身先士卒可也

授行取浙江昌化縣知縣李人龍為禮科給事中湖州
府推官張懋勳為兵科給事中秀水縣知縣周之桂為
刑科給事中江南當塗縣知縣張京為工科給事中山
西屯留縣知縣孫奎為山東道試監察御史浙江遂昌
縣知縣趙如瑾為四川道試監察御史湖廣石首縣知
縣王佐為雲南道試監察御史江南、陵縣知縣聶玠
為河南道試監察御史

授庶吉士

標馮溥李昌垣黃机為內翰林弘文院

編修張弘俊卓彛為內翰林秘書院編修李目為內翰
林國史院編修李中白張雲鷺王熙為內翰林國史院
檢討莊回生為內翰林弘文院檢討孫自成李廷樞為
內翰林秘書院檢討胡之駿為吏科給事中常 柱為
戶科給事中馮右京為福建道監察御史杜果為江南
道監察御史

陞浙江道監察御史黃徽胤為太僕寺少卿 加

郎中劉餘 太僕寺少卿銜仍管坐糧廳事

遣雲南道監察御史朱鼎延提督順天學政廣東道監

察御史李高陽提督江南學政

陞陝西院馬寺卿宋炳奎為本省布政使司叅政兼按察司僉事分巡河南道河東運使彭有義為陝西布政使司叅政兼按察司僉事榆林兵備道兩淮運使白本質為陝西布政使司叅政兼按察司僉事榆林西路兵備道補外轉貴州道監察御史劉明傑為江南布政使司叅政兼按察司僉事淮徐兵備道原任隴西道叅議彭三益為湖廣布政使司叅政兼按察司僉事分巡上荆南道降補原任廬州兵備道副使丁允元為陝西按察司僉事榆林中路兵備道

庚子

殿試天下貢士左敬祖等制策曰從古帝王以天下為一家朕自入中原以來滿漢曾無異親而遠迩百姓猶未同風豈滿人尚質漢人尚文習俗或未同歟音語未通意見偶殊畛域或未化歟今欲聯滿漢為一體使之同心合力欣然無間何道而可民為邦本食為民天自兵興以來地荒民逃賦稅不充今欲休養生息使之復業力農民足

國裕何道而可迺來頑民梗化不軌時逞若徒加以兵恐波累無辜大傷生好之意若不加以兵則荼毒良民

孰是底定之期今欲使之草心向化盜息民安一定永
定又何道而可尔多士經術濟世直陳無隱務期要言
可行不用四六舊套朕將親覽焉
增設戶部十四司漢主事各一員

壬寅

開浙江山東鼓鑄

癸卯

福建巡按霍達奏報官兵恢復平和詔安漳平寧洋四

縣

甲辰

賜殿試貢士劉子壯等三百九十五名進士及第出身
有差

乙巳

賜一甲一名進士劉子壯朝服靴帽餘各賜銀十兩宴
于禮部

是日申刻

中宮太后崩

丙午

午刻日生暈青赤白色

刑科給事中陳調元言朝廷之賞罰惟憑督撫之舉劾

而舉劾之公私全憑道府之開報乃有督臣所荐即按
臣所劾者疏內皆云據司道開報夫一人也一以為大
賢一以為不肖一揭也忽而加諸膝忽而墜諸淵朝廷
用人止此舉劾以為察吏致治之本而錯至是則督
按之耳目安寄國家之賞罰何憑伏祈嚴勅確核開報
同異之弊立加處分庶勸懲當而吏治清矣下部院察
議

丁未

禮科右給事中姚文然言臣讀制策首以滿漢同心合
力為念竊思滿漢一家咸思報

主止因語言文字間隔難通未免被此有異同之見前此
兩科館選雖有清書但選員無多故未有改授別衙門
者臣請于新進士內廣選庶吉士察其品行端方年力
強壯者俾肄業清書精熟授以科道等官內而召對可
省轉譯之煩即出而巡方亦便與滿洲鎮撫諸臣言語
相通可收同寅協恭之效疏下所司

辛亥

加陞南贛巡撫劉武元為都察院右都御史兼兵部左
侍郎分巡嶺北道按察司副使張鳳儀為布政使司叅
政以擊敗叛鎮李成棟故也

壬子

諭內三院曰自兵興以來地多荒蕪民多逃亡流離無告深可惻憫着戶部都察院傳諭各撫按轉行道府州縣有司凡各處逃亡民人不論原籍別籍必廣加招徠編入保甲俾之安心樂業察本地方無主荒田州縣官給以印信執照開懇耕種永准為業俟耕至六年之後有司官親察成熟畝數撫按勘寔奏請奉

旨方議征收錢糧其六年以前不許開征不許分毫僉派差徭如縱容衙官衙役鄉約甲長借端科害州縣印官無所辭罪務使逃民復業田地懇闢漸多各州縣以招民勸耕之多寡為優劣道府以責成催督之勤惰為殿最每歲終撫按分別具奏載入告成該部院速頒示遵行

辰刻雨雹大如榛

癸丑

浙閩總督陳錦疏報官兵平福寧州福安縣

鄖陽撫治趙兆麟以丁父憂將回籍終制總督羅繡錦疏留允之

陞山東左布政使董宗聖為都察院右副都御史巡撫延綏等處

浙江左布政使王敬錫坐貪婪褫職

靖南將軍陳泰等奏報福建二府一州并二十九縣先為賊踞臣等領兵剿殺俱已恢復安設官兵全閩底定捷

聞得

旨據奏官兵大捷福建全省已定陳泰等盡心調度克奏膚功深可嘉悅在事有功人員察議叙

甲寅

厄魯得部落績克什虎巴圖魯台吉等貢馬宴賚如例

乙卯

寇臨山西汾州府命端重親王博洛為定西大將軍由大同統官兵往討之命敬謹親王尼堪由左衛住闡大同

興安總兵任珍以撲剝賀珍等賊功陞為左都督

攝政王諭姜瓖曰子前此所以親至大同者蓋念爾為大臣投誠有素一旦遽變必有其由更念合城官紳軍民俱罹屠戮之慘誠有不忍耳方謂赦令一到便自能悔悟前非出城待罪乃及閱爾來奏語多悖謬故不復降

旨今英王為爾奏請云有悔過歸誠之意予復憫念合城

生靈不復終置死地故復降此赦宥之

旨尔宜速為悔悟率眾來歸從前罪犯悉與赦免明旨一出決無反汗之理不然將何以取信于天下乎若復狐疑不決則自誤且以誤眾矣宜熟思之

丙辰

廷試直省恩拔歲副榜等貢生及就教舉人

喀尔喀部落土謝圖汗等遣使貢馬宴賚如例

丁巳

遣福建道監察御史梁應龍巡視河東鹽政廣東道監

察御史王世功巡視上江山西道試監察御史崔胤弘

巡視下江、西道試監察御史李道昌巡按河南

封貝子滿達海為和碩親王

大清世祖體天隆運英睿欽文大德弘功至仁純孝章皇帝實錄卷之四十四

順治六年五月己未朔

辛酉

遣屠賴率官兵益太原軍

考選庶吉士成亮何采焦瑞王清張士甄高光夔諸

豫張璿葉樹德李開生王紹隆朱廷璟范廷元許纘曾

李儀古范正脈劉嗣美子朋舉唐夢賚莊朝生等二十

人習清書徐致覺方懸成周堃林雲京左敬祖胡亶張

道湜楊旬瑛張表安煥周體觀姜圖南黃元衡馬葉曾

吳正治曹本榮周曾發郭一鄂徐必 朱紱等二十人
習漢書命內院學士察不害蔣赫德胡統虞劉肇國教

癸亥

攝政王多尔袞以京城水苦人多疾病欲于京東神水
廠創建新城移居因估計浩繁止之

陞禮部副理事官哈喇庫為都察院叅政

甲子

授一甲一名進士劉子壯為內翰林國史院修撰二名
進士熊伯龍為內翰林弘文院編修三名進士張天植

為內翰林秘書院編修

陞通政使司副理事官閏印為順天府尹

乙丑

予殉難江南英 縣知縣史良植祭葬如例

丁卯

轉山東右布政使盧震陽為本省布政使司左布政使
陞河南叅議管按察使司丁文盛為福建布政使司左
布政使福建按察使周亮工為本省布政使司右布政
使

以郭退覺羅碩博會為禮部理事官

己巳

以河工告竣加提督河道楊方興兵部尚書河南巡撫
吳景道兵部右侍郎

庚午

夏至祀

地於

方澤遣固山額真明安達禮行禮

辛未

遣官祭闕聖帝君

多羅郡王精濟薨年六歲

壬申

諭兵部曰滿洲漢人俱屬吾民原無二視之理但爾來
用兵亦出于不得已豈可苦累良民今後兵 不論多
寡其領兵主將可嚴飭官兵人等糧料草束悉照部定
之數支用不得分外多取其鍋蓆鋤刀馬槽等物須委
的當章京親自看驗酌量隨宜取用喂馬完日令各固
山章京親驗照數發還仍約束兵丁民間之物毋許秋
毫侵犯不時遣官稽察如有搶奪害民者即時擒縛治
以重罪該管者連坐並嚴飭各牛录各撥什庫轉行所
屬今後有搶漢人一物者即行處斬家奴有犯罪及家

長其牛录章京撥什庫及屯撥什庫若不嚴為曉諭者
一併治罪有帶弓箭軍器夥聚劫奪者不分首從悉行
處斬尔部即通行遠近地方城市鄉村遍張告示曉諭
通知

癸酉

朝鮮國王李倣以

太祖配

天覃恩遣陪臣鄭太和等表謝兼貢方物宴賚如例

甲戌

工部尚書金之俊請假葬親許之

贈殉難山東衮西道副使黃登孝為光祿寺卿廕一子
入監讀書

定公以下四品以上官員出京執事三等公和碩額駙
用黃金傘二柄旂十面侯伯金黃傘一柄旂八面二品
官金黃傘一柄旂六面三品官金黃傘一柄旂四面四
品官旂四面其在京所用扇棍等物仍照舊章

乙亥

以故一等精奇尼哈番稽赫子法喀拜他喇布勒哈番
于國柱子之尊各襲職

贈戰歿施沙喇哈番徐成名為拜他喇布勒哈番以其

子文登襲職

以軍功陞一等阿思哈、番曹得先為三等精奇尼哈
番

以昂阿有功伊主四子部落僧格貝勒歸順功授為一
等阿思哈、番

以巴尔達齊自井奇里凡喇率兄弟來歸授為三等阿
思哈、番其同來撒哈連種農額納布俱為三等阿達
哈、番圖古席岱堪齊奇堪褚堪查里穆俱為拜他喇
布勒哈番

丙子

擢浙江嘉湖道叅議李棲鳳為都察院右僉都御史巡
撫廣東提督軍務以三等阿達哈、番郭肇基為兵部
左侍郎兼都察院右副都御史巡撫廣西提督軍務

免山西太原平陽汾洲三府遼澤二州本年水灾額賦
吏部尚書陳名夏等言舊例各省道府州縣等俱俟三
年考滿方許陞遷但今地方需人必待考滿勢難懸缺
應將歷俸三年撫按有荐者酌量推轉從之

初宣大總督耿焯因姜瓖謀叛不能覺察降為巡撫至
是吏部以耿焯不堪復任巡撫請以左布政使用從之
丁丑

改封恭順王孔有德為定南王懷順王耿仲明為靖南
王智順王尚可喜為平南王各授金冊金印賜孔有德
冊文曰茲尔孔有德原係漢臣見明朝之氣運衰微遂
起兵行元帥事殘破山東地方全携將吏軍民航海乘
歸原給都元帥勅印于崇德元年四月二十七日優加
冊封、泰順王俾功名富貴帶勵山河子孫世、承襲
一切過犯盡皆原宥後隨多羅奇車赫郡王取旅順口
時尔率所部兵協攻平定朝鮮國時尔率所部隨輔政
叔德豫親王破其救兵和碩英親王取皮島時尔率所

部兵協攻圍困錦州時

和碩鄭親王

破洪軍門兵時尔率所部兵交戰皇父攝政王取杏山
時尔率所部兵協攻和碩鄭親王取中後所前屯衛時
尔率所部兵協攻皇父攝政王平定明朝天下入山海
關之日殺敗流賊二十萬尔率所部兵交戰又追擊流
賊至慶都縣尔率所部兵交戰輔政叔德豫親王領兵
剿流賊滅福王平定河南江南在潼關殺流賊時尔率
所部兵交戰取揚州時尔率所部兵協攻取江陰縣時
尔率所部兵協攻又特命尔領兵進取湖南尔隨宜剿
撫攻克郡邑處、殺賊招撫官吏兵民甚眾尔原封恭
順王今授金冊金印加封為定南王尔其益勵忠勤奉

公守義以報特恩尚其欽哉勿負朕命

賜耿仲明冊文曰茲尔耿仲明原係漢臣見明朝之氣

運哀微遂起兵行搃兵事殘破山東地方全携將吏軍

民航海來歸原給搃兵官勅印于崇德元年四月二十

七日優加冊印封懷順王俾功名富貴帶礪山河子孫

世承襲一切過犯盡加原宥後隨多羅奇車赫郡王

取旅順口時尔率所部兵協攻平定朝鮮國時尔率所

部兵隨輔政叔德豫親王破其救兵和碩英親王取皮

島時尔率所部兵協攻和碩英親王破洪軍門三營尔

率所部兵交戰皇父攝政王取山時尔率所部兵協

攻和碩鄭親王取中後所前屯衛時尔率所部兵協攻

皇父攝政王平定明朝天下入山海關之日殺敗流賊

二十萬尔率所部兵交戰又追擊流賊至慶都縣尔率

所部兵交戰輔政叔德豫親王領兵剿流賊滅福王平

定河南江南在潼關殺流賊時尔率所部交戰取揚州

時尔率所部兵協攻又同恭順王進取湖南尔隨宜剿

撫攻克郡邑處殺賊招撫官吏兵民其衆尔原係懷

順王今授金冊金印加封為靖南王尔其益勵忠勤奉

公守義以報特恩尚其欽哉勿負朕命

賜尚可喜冊文曰茲尔尚可喜原係漢臣見明朝之氣

運哀微擒其所遣付將二員起兵取廣鹿等五島全携
所部將吏兵民航海歸來原給摠兵官勅印于崇德元
年四月二十七日優加冊印封智順王俾功名富貴帶
礪山河子孫世世承襲一切過犯盡皆原宥從征大同
時尔于代州敗其步兵七百平定朝鮮國時尔率所部
兵隨輔政叔德豫親王破其救兵和碩英親王取皮山
時尔率所部兵協攻我兵在松山閭衡山破洪軍門兵
時尔率所部兵交戰又隨和碩英親王在松山破曹摠
兵之兵皇父攝政王取杏山時尔率所部兵交戰和碩
鄭親王取中後所前屯衛時尔率所部兵交戰皇父攝
政王平定明朝天下入山海關之日殺流賊二十萬尔
率所部兵交戰又進擊流賊至慶都縣尔率所部兵交
戰和碩英親王征流賊圍攻延安府尔率所部兵進戰
又同恭順王進取河南尔隨宜剿撫攻克郡邑處殺
賊招撫官吏兵民甚衆尔原係智順王今授金冊金印
加封為平南王尔其益勵忠勤奉公守義以報特恩尚
其欽哉勿負朕命

令定南王孔有德率舊兵三千一百及新增兵一萬六
千九百共二萬往剿廣西挈家駐防其全省巡撫道府
州縣各官併印信俱令携往靖南王耿仲明率舊兵二

千五百及新增兵七千五百平南王尚可喜率舊兵二千三百及新增兵七千七百共二萬往剿廣東挈家駐防其全省巡撫道府州縣各官併印信俱令携往賜孔有德勅諭曰廣西逆賊盤聚煽亂斯民陷于水火茲特命尔統領大兵相機征剿投誠者撫之抗拒者誅之若武官有功覈寔題叙有臨陣退縮遲悞兵机不遵號令應處分者聽王便宜從事若罪大不便自處者指名叅奏地方既定之後凡兵机事務悉聽王調度其一應民事錢糧仍歸地方官照舊料理文武各官有事見王俱照王禮謁見王受茲重任其益殫忠猷禮以律已廉以

率下務輯寧疆圉寬朝廷南顧之憂欽哉故諭

賜耿仲明勅諭曰廣東初定人民甫安旋因逆賊構亂斯民復陷水火茲特命尔同平南王統領大兵同心商酌相機征剿投誠者撫之抗拒者誅之若武官有功覈寔題叙有臨陣退縮遲悞兵机不遵號令應處分者聽王便宜從事若罪大不便自處者指名叅奏地方既定之後凡兵机事務悉聽二王調度其一應民事錢糧仍歸地方文官照舊料理文武各官有事見王俱照王禮謁見王受茲重任其益殫忠猷禮以律已廉以率下務輯寧疆圉寬朝廷南顧之憂欽哉故諭

尚可喜勅諭同

裁直隸河間永平江南蘇州松江山東袁州東昌浙江
湖州陝西鞏昌西寧肅州同知十員直隸順天河間江
南鳳陽河南開封南陽汝寧歸德湖廣黃州岳州鄖陽
安陸衡州江西南昌吉安袁州撫州饒州九江南安浙
江杭州温州通判二十一員

定平西靖南定南平南諸王帽頂服色儀從帽頂下座
嵌東珠四顆上座嵌東珠三顆上下節各嵌東珠一顆
金佛上嵌東珠五顆 金花上嵌東珠四顆金鑲玉帶
每板嵌猫睛石一顆東珠三顆坐褥冬用捨狸絨夏用

貂皮夏用蟒緞俱紅毡下襯以白毡儀仗用紅羅曲柄

繡傘一紅羅銷金繡傘二紅羅繡圓傘一紅羅繡圓扇
二青羅繡孔雀圓扇二立瓜二對卧瓜一對骨朵一對
吾仗二對大燧一杆條燧二面小旗八面大刀二把馬
兵匹各設三品總管儀仗官一員頭等蝦六員四品儀
仗官一員二等蝦五員五品儀仗官二員三等蝦六員
六品儀仗官二員

戊寅

設定南王下隨征總兵官一員左右翼總兵官各一員
靖南王平南王下左右翼總兵官各一員每總兵下中

軍旗鼓各一員調湖廣辰常總兵官右都督馬蛟麟加
左都督充定南王下隨征總兵官以定南王下二等阿
思哈、番線國安為都督同知充本藩左翼總兵官三
等精奇尼哈番曹得先為都督同知充本藩右翼總兵
官靖南王下二等阿思哈、番徐得功為都督同知充
本藩左翼總兵官二等阿思哈、番連得成為都督同
知充本藩右翼總兵官平南王下二等阿思哈、番許
爾顯為都督同知充本藩左翼總兵官三等阿思哈、
番班志富為都督同知充本藩右翼總兵官調湖廣長
沙總兵官都督僉事徐勇加都督同知充辰常總兵官

其長沙總兵員缺改為副將

免直隸寶坻順義二縣五年水災額賦

庚辰

以福建雲霄總兵王之綱為都督僉事充鎮守汀州等
處總兵官降級總兵馬得功為都督僉事充鎮守泉州
等處總兵官

贈陣歿直隸天津遊擊孔道興為叅將錄其子弟一人
罷陝西額供羔羊白狼等皮從巡撫爾性請也

辛巳

陝西巡撫黃爾性疏報平西王吳三桂固山額真墨勒

根蝦統兵進取延安府賊兵聞風遠竄遂復其城下所
司議叙

陞工部郎中盧六藝為廣東布政使司左布政使刑部
郎中楊名顯為廣東布政使司右布政使工部郎中曹
國柄為廣東按察司按察使湖廣驛傳道付使鄭廷槐
為福建布政使司叅議兼按察司副使管按察使事河
南驛傳等徐為卿為本省按察司副使管按察使

事長蘆運使楊天祥為山東布政使司叅政兼按察司
僉事武定兵備道江南駙傳道叅議王燧為湖廣按察
司副使兼布政使司叅議分守岳州道山東提學僉事
吳臣輔為陝西布政使司叅議兼按察司僉事臨鞏兵
備道浙江提學道僉事李際期為本省布政使司叅議
兼按察司僉事分巡金衢道湖北提學道僉事王尔祿
為浙江按察司副使寧紹兵備道湖南提學道叅議黃
澍為福建按察司副使分巡興泉道直隸大名府知府
劉應錫為山東按察司副使通州道兩淮運同孫永盛
為兩淮都轉運鹽使司運使兩浙運同畢元彩為兩浙
都轉運鹽使司運使山東運同夏日嚴為本省都轉運
鹽使司運使河東運同鄭弘圖為河東陝西都轉運鹽
使司運使福建運同張子珽為本省都轉運鹽使司運

使

補原任山東青州道僉事崔起鵬為河南按察司僉事
分巡河北道原委貴州提學道僉事鄭文炫為浙江按
察司僉事分巡嘉湖道

改原任宣府總兵胡章為山東布政使司右布政使
授進士陳贄為廣東布政使司叅議分守嶺南道沈壽
為廣東布政使司叅議兼按察司僉事高肇兵備道王
慶章為廣東布政使司叅議兼按察司僉事瓊州道陸
振芬為廣東布政使司叅議兼按察司僉事分巡嶺東
道馮英為廣東布政使司叅議兼按察司僉事海道

徐烜為廣東布政使司叅議督糧道莊有筠為廣東布
政使司叅議兼按察司僉事屯鹽水利道陳嘉善為廣
東布政使司叅議分守海北道李頰為廣東布政使司
叅議兼按察司僉事分巡海北道施起元為廣東布政
使司叅議分守嶺東道林嗣環為廣東布政使司叅議
兼按察司僉事南韶兵巡道周公軾為廣東布政使司
叅議分守嶺西道鄔象鼎為廣東布政使司叅議兼按
察司僉事羅定道史燧為廣東布政使司叅議兼按察
司僉事駙傳道

四川巡撫李國英疏報龍安邊郡地方悉平

癸未

遣貴州道監察御史匡蘭兆巡按浙江

戶部等衙門言

本朝敷政首重恤民故定鼎以來罷去橫征與民休息但今邊疆未靖師旅頻興一歲所入不足供一歲之出今議開監生吏典承差等援納給內外僧道度牒准徒杖等罪折贖裁天津鳳陽安徽巡撫巡江御史天津餉道等官以為省節之計報可

乙酉

喀爾喀部落碩雷汗等遣使貢方物宴賚如例

征西大將軍端重親王博洛奏報官兵克復山西清源交城文水徐溝祁等縣處

丙戌

諭鄂尔多斯部落禮穆蘇等曰聞尔等背叛即欲加兵但念尔受朕恩有年兼以生靈堪惜故不忍遽用干戈尔能悔過復還本土相率來朝即宥尔等罪恩養如故倘不速改前非倚恃地方險要與察哈尔同惡不即歸順入冬以後當發大兵窮尔踪跡務期必獲豈容尔一人偷活耶况今天下中外咸仰朕恩傾心向化尔所稔知朕既降恩綸必不復念舊惡故諭

六月己丑朔

癸巳

夜火星犯木星

甲午

曉刻霧如細雨青白色

乙未

有拜禪妻及廣泰家女子賴姐放鵝子金水橋前坐紅
衣砲繩堆上吃烟遺火焚繩三萬三千八百餘斤延燒
砲車二百餘輛倉房一百二十餘間刑部擬斬拜禪妻
及賴姐其工部官不令人監守繩索擬罰尚書金之俊

侍郎李迎賚劉昌各銀百兩侍郎盧登科董國胤啟心
即吳遠禮各銀百兩草一拜他喇布勒哈番理事官星
爾草考滿所加拜他喇布勒哈番折贖仍令之俊等賠
補車輛併繩索價銀二千三十餘兩啟心即孫代張朝
珍理事官高國胤副理事官吳世把莫洛渾教塞護星
阿李尚義各罰銀五十兩議上令貸拜禪妻死鞭一百
賴阿姐免死鞭三十金之俊李迎賚劉昌各罰俸三月
盧登科董國胤吳遠禮星爾孫代張朝珍各罰俸六月
高國胤等俱免罪

丙申

和碩親王滿達海使墩旦至理藩院言喀爾喀部落嘗遣使進餽于王今乃進攝政王馬匹而不及王曩有喀爾喀使人因進餽鄭親王未至王所者王曾拒而不納理藩院尚書尼堪侍郎沙濟達禮席達禮因以其啟攝政王：問舊例如何尼堪等對以從無越選之例王曰國之大政在予統攝政何人不來亦奚止于此令使至予所滿達海王亦不當言尔等理宜即向彼言乃但以無舊例為詞豈非徇滿達海王情面而故為之說耶遂令內大臣吳拜等議罪議罰滿達海王銀五千兩奪俸一年尚書尼堪侍郎沙濟達禮席達禮革職啟攝政王王諭免罰滿達海王其尼堪等俱罰俸一年

丁酉

陞原任鳳營叅將管副將事王國勳為長沙副將予贈光祿寺卿黃登孝祭葬如例

戊戌

設定南王下牛录章京十五員靖南王下牛录章京十一員平南王下牛录章京十二員

以覺羅仲忒為吏部理事官

以鑲黃旗衮泰巴圖魯尼等蝦覺羅朱滿俱為擺牙喇甲喇章京正黃旗思格森鑲黃旗布孚俱為甲喇章京

遣山東道監察御史李胤岳提督江南蘇松等處學政
定西大將軍端重親王博洛奏報平衛二賊渠圍平陽
遣梅勒章京譚布等擊敗之賊渡黃河遁去平陽汾州
平

牛录章京布達習禮坐非刑拷打家僕革世職鞭一百
折贖

庚子

朝鮮國王妃趙氏奏報國王倅薨請冊封世子溟襲爵
溟亦具疏告訃俱下所司知之

辛丑

陞河南右布政使張大任為湖廣布政使司左布政使
刑部郎中趙日燬為江南按察司僉事驛傳道萬化為
山西按察司僉事分守冀南道高顯光為陝西按察司
僉事西安駙傳道兵備道王錫隆為湖廣按察司僉事
駙傳道周來鳳為湖廣按察司僉事分巡湖北道工部
郎中李子和為河南按察司僉事駙傳道彭欽為山東
按察司僉事兗西兵巡道山西提學道僉事孫啟賢為
陝西布政使司叅議兼按察司僉事西寧道長蘆運使
袁仲魁為長蘆都轉運鹽使司運司
補原任叅議朱國詔為陝西按察使司副使肅州兵備

道

贈原任山東館陶縣知縣陞浙江金華府知府程瑾為
山東按察司副使廕一子入監讀書以瑾在館陶任時
屢次剿賊後赴任浙江中途被賊讐殺故也

初征南大將軍固山額真譚泰等因奉有江西官員便
宜除授之

旨以隨征吏部侍郎梅勒章京馬光輝為提督總兵官而
光輝以官品不符而辭不就又以都察院理事官牛录
章京紀國先為掌印都司國先以文職不應授武官且
不善者以善置之善者以不善置之天下反亂職是故

耳事聞下部議

部議馬光輝解任革世職贖身國先棄市籍沒疏入

命解馬光輝梅勒章京及侍郎任仍留其投誠所授世職
其餘加陞世職俱應削去贖國先免死革理事官牛录
章京籍其家之半

壬寅

和碩英親王阿濟格遣吳拜羅壘啟攝政王曰輔政德
豫親王有何功績征流寇至慶都而潛身于僻地破潼
關西安而不盡殲其衆追騰机思而不取其國乃將其
子優異于衆鄭親王乃叔父之子予乃

太祖之子

皇上之叔何不以予為叔王而以鄭親王為叔王攝政王使吳拜等答曰德豫親王薨逝未久何忍遽出此言初令尔統大兵往陝西征討流寇令德豫親王往征江南德豫親王破流寇克西安平定江南河南浙江追騰机思俘獲甚衆敗喀尔喀土汗兵且叔王原為親王尔原為郡王其一子吾養為子一子承襲王爵何出此言也鄭親王雖叔父之子原係親王安得妄越自請為叔王大不合理英王復不悛改請營建府第于是攝政王下諸王貝勒大臣數其罪曰初令尔往征喀尔喀俄本布厄尔得尼乃故往大同又擅加大同宣府文武官各一級私除各處職官遣令攻渾源州又與郡王瓦克達交好數贈財物諸王大臣議削阿濟格王爵撤其所屬人員罰瓦克達土黑勒威勒並追所贈財物攝政王以英王特親冒請非他人摘發免其罪令以後勿預部務及交接漢官并宥瓦克達罪

諭諸王及諸大臣有干預各衙門政事及指摘內外漢官謂某好應陞某劣應降者不論其言之是非即行治罪予于內外各官有應陞遷者陞遷應降處者降處豈知明季偏聽人言遂謂進退耶其騙取財物之人不過

就中巧撞即行賄之人亦不過枉費金錢而已至于各王有以衙之事私行傳呼各衙門官至府者罪在王聽其傳呼而去者罪在各官遇有啟奏之事必奏明方許傳該衙門官其所傳官員必亦問明啟奏之人果係真寔方許前去

丙午

賜故朝鮮國王李倣祭物

降精奇尼哈番法喀為一等阿思哈、番以伊祖阿山有二次逃亡明國故也

以故二等阿達哈、番馬天雲子元龍致仕二等阿達

哈、番甯紹蘇子天祚故拜他喇布勒哈番梁可大子

永清各襲職

贈理藩院副理事官圖魯西拖沙喇哈番以其子束菽襲職

頒詔外藩遇鄂尔多斯部落扎穆作亂被殺故也

江南江西河南總督馬國柱疏報南贛餘孽擁故明宗室朱由植作亂官兵討平之

巳酉

遣廣東道監察御史劉漪巡按江西廣西道監察御史史詒巡按福建山西道試監察御史崔胤弘巡視兩淮

鹽課廣東道監察御史王世功巡視長蘆鹽課

攝政王多尔袞諭禮部曰予師行在外所出政令必關六部都察院鑾儀衛等各衙門其原議印信不便携行今倣古制每衙門各另鑄印一顆加行在二字著禮部作速造辦各該衙門携用以後差遣蝦員俱用鑾儀衛

印信

庚戌

喀尔喀部落代青諾顏等貢馬宴賚如例

壬子

免直隸滄州清苑縣六年以前荒田額賦

陞通政使司左通政孟明輔為太僕寺卿行人司：正

羅憲汶為光祿寺：丞

改原任內翰林國史院庶吉士王公選為禮科給事中
補原任浙江嘉湖道副使董國器為本省按察司副使
管按察使事原任天津餉道副使徐永禎為山東按察
司副使天津兵備道

癸丑

封張真人五十二代孫應京為正一嗣教真人賜勅
印

以隨征內國史院中書舍人王原撫為四川布政使司

叅議管左布政使事副將吳之茂為四川布政使司叅
議管右布政使事 楊 為四川按察司僉事管

按察使廩生何啟圖為四川布政使司叅議兼按察司
僉事松潘兵備道副使梁一訓為四川布政使司叅議
兼按察司僉事安綿石泉兵備道袁一相為四川布政
使司叅議分守川東道王興國為四川按察司僉事分
巡下川東兵備道高成榮為四川布政使司叅議分守
川北道趙顯榮為四川布政使司叅議兼按察司僉事
叙為兵備道范奇才為四川按察司僉事清軍屯田水
利道選貢生王士彥為四川按察司僉事威茂兵備道
楊鼎瑞為四川按察司僉事分巡上川南道內院供事
官劉通為四川按察司僉事分巡川北道

甲寅

諭凡僧道巫瞽之流止宜禮神推命不許妄行法術盡
惑愚衆如有違犯治以重罪着禮部嚴行稽察

授蝦帕克齊賽行達禮牛录章京傳喀壯大哈尔幾巴
拜他喇布勒哈番以其効力年久故也
以故三等阿達哈、番額納布子額尔 子

各襲職

乙卯

免江西全省四年分南昌新建五年分逋課其餘殘破
州縣重者免五年分租賦輕者免五年分租賦之半
丁巳

攝政王多尔袞率師征大同叛將姜瓖集內三院及部
院等衙門官諭之曰尔等皆國之重臣各勤職掌予倚
任西行不日言旋

諸王大臣不勝其任

但恐擾及良民故為親行予止至寧武關朔州便歸亦
不遠行久留也

諭固山額真譚泰何洛會內大臣冷僧机大學士剛林
范文程曰各部院事務令尔等裁決在部可結之事仍

令各部料理其寧國大事集英親王議政大臣固山額

真公同商議大事可緩者著候予還不可啟緩者即行
啟知

解鑲白旗阿尔律轟章京任以索洪為轟章京



